

San 21nan Nowanburu - san 1993
A songo: DOROME 10 - N° 262

kibaru

A be bo kalo o kalo "AMAP" ka yamaruya kono - Haks : 16.000
"AMAP" kuntigi : Gawusu DARABO - Dilanbagaw kuntigi: Amadu GANI Kante - Sebenbagaw kuntigi: Bassiré TURE

MALI DEPITESO
NEMOGOJECULU
KURA SIGIRA
SEN KAN

(ne : 3)

MOGO MURUTILLEN
SUGUYA WEREW
BEKATIJALIW KE
KELEKANYANFAN

FE

(ne : 2)

FANGAKORO MOGO MINELEN DOWEREW BILALA
(A be ne : 8 la)

DUNKAFA

BALONAFAMAW
LAKODONNI
DE KA FISA

(A be ne 6 la)

MOGOROBAYA

AN KA
" KOROBALENW
LASEWA

(A be ne 7 la)

Mogo murutilen suguya werew be ka tijeliw ke kene kanyanfan fe

Kabini san 1992 Awirilikalo tile 11 don, ni Mali fangaso ka mogo yamaruyalenw ni kene kanyanfan mogo murutilenw ka cidenw y'u bolonow bila bennkanssaben na, an be kele min wele ko «burudamekele», n'o daga sigili san 3 ye ninan ye, jisuma bonna, o kele takise kan. A kera badenyakel bancogo de hukumu kono, a be fokel min ma, k'u be sisi de, nka, k'a te men. O siratige la, here ni lafiya basigira, Mali kene kanyanfanfe. Fagaliw ni binkanniwdabilala. A yoro daw mogo minnu tun bolila, ka t'u nemadogo, jamana werew kono, olu caman seginna, kan'u sigi kokura ye, u woloduguw yerew kono. A ko kera damuko ye, jamana fan bee kono. O de koso, kokane melaw hakililatigera. Olu ni fangaso ani kene reyew y'u bolo di nognon ma, k'a yoro dugu tijelen daw laben konuman, walasa, o duguw kono sige ka diya, mogo seginnen kuraw bolo. O siratige la fana, burudamekel den caman n'u ka nemogo caman ladonna faso yere kelejekulu la, k'u bee ke sorodasikulu kelen ye. Ode ye ben ni kelenya sementiya.

Maliburudamekele banni min kera «sigikakuma» kadara kono, n'o ye Malidenw bee kunkorota, jamana kono, an'a kakan, o ye jamana werew son hakili numan na, a kele nognon be minnu kono, iko Alizeri, Moritani ani Nizeri. A murutiliko suguyaw faamuyacogow n'u latemencogow te kelen ye yoro bee la. N'o te, sisan tun ka kan, k'o jamana daw sorro lafiya kene kan.

Nka, ni mogossebew benna nin nognon wale kan, cogo o cogo, f'i ka mogolankolon daw sorro,

jama la, minnu naniya ka jugu. O tigilamogow konorotaw t'u bila siranuman kan, bawo, n'u te k'u nemada mogo daw ma, i b'a soru be ka keleya dawla. O nognonna mogomurutilen suguya werew de be ka tijeliw ke, sisan, kene kanyanfan fe. A kelen si lakodonnen te dugumogogansanw ni keleden murutilen koro fe. A bee be dnbagalafiliya walew de ke, iko «nedadogo» ni «sawurafinidon» n'u nognonaw, ka tijeliw ke, suf, wali tilef, ka sorro, ka boli, k'u dogoyoro magen. Hali n'u ka fagaliw n'u ka binkanniw te tumabeeskow ye, jamana togotijeko, a kunmasuliko n'a lagosiko walew don, minnu bee bee ka baaranuman kelenw don bogeo la. Nka, feere daw tigera fangabolow fe, k'olu waleyalibaaraw latemem sorodasifangabolow ma. Olu tona kene, yeredonbali ninnu na. O kama, sorodasiw y'a jira, k'u ye lahidu ta, k'u kali, k'u sige, ko mogo si te se, ka Malidenw ka ben, u ka kelenya, n'u ka lafiya basigilenw minen jengue tugun, sanko bolonow bilalen ko, «burudamekele» banssaben na. Olu dun ye kankelentigie de ye.



Kelenw bee kera sorodasikulu kelen ye

Mali Depiteso Nemogojekulu kura sigira sen kan

San o san, Mali Depiteso bë depite dōw latom, u yerew cë la, k'olu k'u ka baaraw nemogojekulu ye. U ka sariya la, pariti politiki minnu ka mogow bë depiteya la, olu bëe kelen-kelen de b'u ka mogo sugandilenw tögow di, depiteso peresidan ma. Ni sigiyorow hake jate minera, ka mogo sugandilenw dama dòn, wote bë soro, ka ke, walasa, k'a jekulu sigi sen kan. Awoteko la, fën bëe jate bë se, ka miné fo n'a kéra «jelatomoko» ye, k'a masoro, nanbara te se, ka t'a la, cogo si la. A walew bëe bëe pariti politikiw bëe de ka depitew nena. A fosi te se, ka dogo, olu kelen si la.

O tilennenya n'o jelena de kono, minnu y'an ka demokarasi taalan ye, ninan, san 1993 Okutoburukalo tile 11 don, Mali depiteso nemogojekulu kura sigira, nin cogo la:

MALI DEPITESO PERESIDAN : Porofeséri Ali Nuhun JALO. O ye «ADEMA» depite ye.

PERESIDAN DANKAN FOLO : Lahawu TURE. O ye «ADEMA» depite ye.

PERESIDAN DANKAN FILANAN : Ibarahima KONATE.



Porofeséri Ali Nuhun JALO.

O ye «CNID. FYT» depite ye.

PERESIDAN DANKAN SABANAN : Salifu KONATE.

O ye «RDT-PSPR» depite ye.

PERESIDAN NAANINAN : Mmu KANE Nana SANU. O

ye «ADEMA» depite ye

KESITERI FOLO : Baba Umaru BORE. O ye «ADEMA» depite ye.

KESITERI FILANAN : Mamadu YOSI. O ye «PDP-PSPR» depite ye.

SEKERETERI FOLO : Asaridi Agi IBARIKIWANI. Oye «ADEMA» depite ye.

SEKERETERI FILANAN : Umaru KANE Oye «RDP» depite ye.

SEKERETERI SAABANAN : Modibo TARAWELE. O ye «ADEMA» depite ye.

SEKERETERI NAANINAN : Mamadu NBAYI .O ye «PMD-UMADD» depite ye.

DEPITEJEKULU YE FANGABOLO DE YE

Dine yoro bët la, depitejekulu de ye jamanadenw bëe lajelen lafasajekulu ye. Fen minnu bët ben, ani fen minnu te ben, jamanadenw ma, depitew de b'olu dajira fangabolow la. Olu de bët mogow sëgencogo neto. k'u lafiyocogo dantigé. Depitew de bët jamanadenw ni jamana kuntigiso ni nogon ce. O kuntigiso ye peresidan n'a ka minisiriw ye. Olu ye fangabolo ye. Depitew de bët jamanadenw ni jamana sariyaso ni nogon ce. O sariyaso ye kirrigelaw ni awokaw ye. Olu fana ye fangabolo ye. Depitew joyero kolo girinya n'a nafa bonya kama, depitejekulu yere

k'er a danma fangabolo ye. A b'o cogo de la, dinet bëe kono.

O siratigé la, fangabolo kofolen filà ninnu kelen si ka wale fosi te se, ka latemén, jamana yere togò la, ni depitejekulu ma jamanadenw lafiyayoro y'a la. O de koso, depitew ni fangabolo tòw bët nogon na, tuma bëe, walasa, doni kana da, jamanadenw kun, uté se min koro. A ko geleyayoro bët bët pariti politikiw josenw de la. O bët soro fangaso ni sariyaso filà bët ka walew yecogo n'u latemencogo de te, a ka c'a la, minnu te kelen ye, pariti politikiw bëe n'u ka depitew bolo.

NAFOLOD&SEKO KERA JORÉNANKO YE

Wari sɔrɔli ye wajibi ye

Kalo təmennen «KIBARU» kono, an da sera wariko geleya ma, k'a jira ko jamana fangaso dəser'a yere ka musakaw koro, kuma te jamanaden tɔw ka musakaw ma. An ye forobawari dəsekun neñ. O te bi ko ye. Bees b'o kalama. An ye feere sirilenw fana neñ, minnu dantigera Minisiri Folo, Abudulayi Seku SO fe, walasa ka wari ladon forobakesu kono.

Fen kelen b'a warigelyako la, bees ka kan, ka min faamuya. Oy'a basigili de ye, diñe bees kono. A be yoro bees. Jamana kelen si te dugukolo kan, n'a segen te min fangaso n'a kono mogow bees kan. Dow de ta ka fisaya ni dow ta ye. Nka, o ye kodanogonma de ye. Bees b'i ta de don. N'o te, jamana caman segen cogo ka jugu ni Mali ta ye. A ko la, neñmadali dɔron de man ni. Yoro dow baarakelaw ni lekolidenw be kalo 9 jalen ke sarabaliya la. Awale jirayoro si t'u bolo. A kuma foda t'u bolo. Muruticogo t'u la. Yoro dow desera balo yere sɔrɔli la, kuma te magonefen werew ma. Yoro dow mogow y'u ka jamanaw bila, ka t'u kun fe. Yoro dow be neñfaga ni neñlajaba suguya bees la. Nin bees kun y'a warigelyako kelen dɔron de ye. Ala barika la, Mali kisir'o jamanalagosiko n'o mogotogotinéko n'u neñnnaw ma. Mun de tora sisan ?

Fen min tora Malidenw ye sisan, o ye segen muñuli de ye, limaniya kono. Wari sɔrɔcogo

feere sirila. O feere benna jekulu ani mogo minnu ma, olu hake de cayara n'a tɔw ye. A tɔw ye jekulu ani mogow ye, a feere ma ben minnu ma, wali a bee ka kan minnu ye. Demokarasiko sira la, fan min mogo ka ca, o de ka girin. A be t'olu de ta la. O de kera. O yoro sabatili de nana n'a feere bee lajelen latemenni wajibiyali ye, jamana kono, an'a kɔkan. O de kɔson, ben kera feere sirilen minnu kan, fɔnogonkoko were man kan, ka b'olu waleyali la. N'o kera, i b'a sɔr'a yoro do kecogo ma jeyya, fangaso bolo, wali jekulu dow ni mogodow jɔr'u murutisen kan. An ka kan, k'an yere fisaya yere dusukasi ani kumamisenninw ma. Olu te fosi b'an ka segen na. Wari te sɔrɔ, k'a bila forobakesu kono, n'an ma segen suguya do y'an ne la.

O siratige la, an be se k'a fo, ko feere minnu tigera Mali kono, k'olu kun ka teli mogow fe, ka temen jamana dow ka feere kan. A dow fangasow yere m'u sara politiki jekuluw, hadamadenya jekuluw ani mogo faamuyalenw na, k'u ka feere dantige. Bees dun y'i ta f'a kola, Mali kono, fo ka ben jama fanba ka feere kan. O yoro la, Mali ye jamana caman dan. Nka, neñoya t'a la, yoro si. Segeñ de be fara segen kan, bawo, wari sɔrɔli ye wajibi de ye. Kodandemenko donyorɔn'a boyorɔcayara. Dijne

GELEYA B'AN BEE KAN

Segen de fara segen kan

jamana hɔrɔnyalenw bɛe lajelen ka Baarayɔrɔdɔw, ani faama dɔw sisow ani bolifɛn demenafolokow ɲenabɔjɛkuluw, olu mɔgɔ suguya camanjenina. Gereuwukera, ka baaraw faamuyalenw ka jatemineyɔrɔw cayara. Tuma bila, tile damadɔw kɔnɔ. Mineliw ni kasolodonw dɔ la, u b'a fɔ ko julu wɛre tɛ don, jamanaw la, kera. Ninwalekofɔlenw bɛe b'ajira k'awarininko minnu kɛŋera, k'u ka lahiduw tiime. ganna, kosebe, jamana dɔw kɔnɔ, ka temen Mali Segenbagatojamanabe se, ka nafolojurutalen kan. Nkalon t'o kuma la. ɻogɔnnegɛn kuma sara waati tiime cogo di ? Tuma dɔ la, u b'a fɔ, fana tɛ. An be kunnafoni minnu men, ARAJO la, ko julu tɛ don, jamanaw la, minnu sonnen tɛ olu b'an ka kumaw son ji la. demokarasiko ma. Tuma dɔ la, fana, u b'a fɔ, O de kɔson, an be se, k'a fɔ warininiko la, k'a ko julu tɛ don jamanaw la, minnu fangasow ladon forobakesu kɔnɔ, walasa fangaso ka s'a kɛŋelen bɛ, k'u ka musakaw damakeŋɛ, u ka ka musakaw kɔrɔ, ko Mali bɔr'a danuman fe. sɔrɔw ma. Malikɔnɔ, fɔnɔgɔnkɔkow danna hakilinataw jirali de la, ɻogɔn na. O ganna, nk'a ma ke tijeli ye. Kɛlɛ ma ke. Yɔrɔ ma tijɛ, sanko ka jeni. Kalosaraw makötigɛ, sanko, kadɔb'ula. Gerewu ma ke, kuma tɛ mɔgɔmire ma. Wari sɔrɔli y'an ka jamanaw bɔsira dɔrɔn de ye, segen na. A sɔrɔli dadigicogo, jamanadenw na, o de ka jugu, yɔrɔ dɔw la, ka temen dɔw kan. A kera cogo o cogo, an be se, k'a fɔ k'a ka fisa mɔgɔ dɔw ma, ka temen dɔw kan; k'a be ben dɔw ma, ka temen dɔw kan; k'a be kun dɔw la, ka temen dɔw kan, nk'a bɛe y'a segen kelen de ye.

Don o don, sɔrɔkan kura wɛre de be fɔ, kɔkandemeko la.

A koñew ye Afiriki jamanaw bɛe kɔnɔgan, fo, k'u dabaliw ban. A juguyara, jamana dɔw kɔnɔ, i ko Senegali, Nizeri, Cadi, Burukina-Faso ani Kɔdiwari olu minnu ka surun Mali la. O jamana dɔw fangasow ye fɛerɛ suguya dɔw tige, minnu ma ben mɔgɔw ma, cogo si la. Baarakela mɔgɔ 13.000 genniko kuma fɔra Senegali. Kɔdiwari mɔgɔ genta kofɔlenw hake ka ca n'o ye. Kalosaraw tigeliko kuma fɔra yɔrɔ dɔw la, fo ka se dɔrɔme 3 hake ma, dɔrɔme 20 kelen-kelen bɛe kan. Bɛe b'a dɔn, k'o wale suguyaw tɛ ben baarakelaw ma. O de kera balawu suguya caman wulikunw ye, jamana dɔw kɔnɔ.

Mali ani jamana deselen tɔw bɛe lajelen b'o segen kelen in kɛnɛ de kan, sisan. Hakiliñuman ani waleñumandeb'atɔdafa. (Atɔbe «KIBARU» nata kɔnɔ).

DUNKAFA TOGOLADON :

Balonafamaw lakodonnì de ka fisa

Jekulu min nesinnen be senekow ni balokow yiriwali ma, dijé jamanaw bëe kono, n'a be wele ko «FAO», o ye ɔkutoburukalo tile 16 sugandi, k'o ke dunkafa togoladon ye, dugukolo kan. O de kosoñ, san o san, n'a don sanyelema kuben sera, jamanaw mogò yamaruyalenw be balo nafamako fo, k'a jira ko konobara be se, ka fa, k'a soro farikolo ka nafa t'a la. A kuma be fo jamana minnu konomögòw ye, olu tilalen be kulu fila de ye. Kulu fofo mögòw be balonafamako kalama, nka, se t'u ye, k'a dun, don o don. Kulu filanan mögòw t'a fosi bëogon ma. Olu haminanko ye konobara fali de ye. Min ye balo nafamako n'a nafantankó ye, olu te fosi don, o la. O ka ca kalanbaliw de fanfe kosebe, dugubaw ni cikeduguw kono. A kera cogo o cogo, a kuma be fo dësèbagatò jamanaw konomögòw de ye.

O de be na ni kalanko, soroço ani baloko dali ye, nögon ma. O de be na ni jamanaw fangasow n'u hadamadenya jekuluw an'u dësèbagaw cesirili ye, ka balo nafamako joyoro jira, hadamaden farikolo kenyali yere la. O de be na ni dumunifén latomoli ye, k'a don, minnu ye konobara falanw doron ye, ani minnu ye farikolo nafalanw ye. O yoro ka gelén kosebe, bawo mogò caman be ban dumuni dòw la, k'olu ka dògo, k'o t'u fa, k'a sor'olu de y'u nafalanw yere ye, nka, u t'a don. O yoro nafoli yere de ye dunkafa togoladon labenkun ye, sanko kalanbaliw ka ca jamana minnu kono.

Mogò faamuyalenw y'a jira, ko hadamaden caman be dumuni ke, don o don, k'u fa, k'a sor'u farikolow te ka lafon ; ko farikolo lafonibaliya ye balokojuguya taamaseere de ye ; ko hadamaden min baloko ka jugu, k'o farikolo de banamine ka teli kosebe, wa, ko n'o tigilamogò banana, k'a mantoçorokow be son, ka caya kojugu. Odun ye don o don furasanwari boli de ye, wari min yere te bolola, fo n'a manumako ninina. Ni mogò min farikolote se, k'a yere bøbanamisenninw bolo, fo tuma be furata, tuma be baarabila, tuma be dali; otigi ka soro be dögoya. Ob'a jira ko fen dòw be dumuni numanw na, minnu be farikolo deme, ka

hadamaden galabu kenyaya. Fosi were te se, ka farikolo deme, a ka galabukenyaya baara la, ni balo nafama te.

Balo nafamaw ye balo suguya jumenw ye ? O ye balow ye, minnu be mögò joli, a sogo, a kolo n'a fasaw lakuraya, tuma bëe.

A be dòw ne na, kobalo nafama te soro, waricamanbo ko. O y'a dònbaliya ye. Wari caman be don fen dòw la, k'a soro nafa t'olu la. Fen nafama dòw yere songow ka nögon kosebe Olu fenw lakodonnì joyoro ka bon, balokola, ka temen, usongow kan. Acaman dantigelen be nininikelaw n'u nögonnaw fe, kabini tumajan. Nk'a waleyali o de ka gelén, fo k'a dama temen. Mogò kalanbali ka ca. Olube soro dugumisen minnu kono, olu fana ka ca. Odugumisen yere wero ka jan, nögon na. A bëe fana ni jamana faaba ka jan nögon na. O temenken k'o, bolifenko ka gelén, wa siraw man ni. Nin bëe be mögò kunnafoni baaraw geleya. A bëe be walew latemenko numan sumaya. An b'o de kene kan, sisan.

Nin kunnafoninw sèbennèn k'o, balonafama joyoro kan, hadamadenya yere dafali n'a sabatili, an ka kan, ka minnu kalan, k'u durusi, kuma laban be ke dumunifén nafamaw dantigeli kan. A bëe te se ka sèben. A ka ca kojugu, wa nininikelaw be kura werew kofo, tuma bëe. Nka, minnu caman dònneñ be kosebe, n'u soroli ka nögon faantaw bolo, olu dòw file : basinji, baganw nögon, shefan n'a nögonnaw, jjege, jiridenw ni nakolafenw, rugubuluw, shò ni tiganinkurun n'u nögonnaw, ku ni woson n'u nögonnaw, sañò ni finikise, dincoño ni intentulu, bagansogow ni konoçogow. A jirala ko shò be se, ka bila sogo no la ; ko nafa caman te malokini na, f'a kunkan fenw ; ko to nafa dan y'a nadilannen de ye ; ko nafa min be kabakise la, o te keningekise la; ko shesogo ye negelafen doron de ye ; ko ji gansan saniyalen de ka fisa ni minfen bëe ye. A kera cogo o cogo, a be fo, ko nininkalikela te fili. O la, an kana sègen, mogò faamuyalenw sirataama la. Ala barika la, obù lasoroyoro ka ca, Mali kono, sisan.

MOGOKOROBW TOGOLADON :

An ka "korobalenw" lasewa

Kabini san 1990, dijé jamana hörönyalenw ka kelenya tónba «ONU» bolofara min nesinnen bë hadamadenyakowsabatili ma, o yeókutoburukalo tile fòlodon sugandi, k'o ke mögököröbawtögoladon ye, an bë minnu wele ko «korobalenw», a cemanw n'a musomanw, n'u wolosiw bë san 60 ni kôla. A don sugandikun ye mögököröbaw lasewali de ye, yoro bëe la, dugumissenw ani dugubaw kôno, waati bëe la, kun bëe la, ani cogo bëe la.

O laseli walew, n'o y'u bonyali, u gasisigili, u sagow keli y'u ye, fo k'u sëwa, k'u wasa, k'u nisondiya, olu bë faamuya, bawo, bëe te ke sijantigi ye. O ye latige de ye. O yere kôson, «korobalenw» te mögo gansanw ye. Sicamantigi dusu n'a kônobara falen bë hadamadenya latemennferre minnu na, olu de b'a ke «bilasiralikel» ye. An b'o misalita fen kelen kan, min bë ke, kabini dijé dara, ni bëe dalen b'a la, farajela anifarafinna, n'a mase, ka köröbô, halibi.

O ye mun fen ye ? Ni kow nagamina denmisennamögô bolo, dörön, k'u kônctaw ban pewu, fo k'udabaliban, ub'u kunda, «korobalen» do de kan, k'o k'u bilasira.

O temennen kô, korobalenw ye mögôw ye, minnu y'u si bëe ke baara la, fo k'u sëgen, k'u lasigi. O bë faamuya, k'a masôrô, ni hadamaden min kolo köröla, k'a fasa magaya, k'a si je, o galabu bë fegeya. N'o kera tuma minna, a nafamayorobë ke mögo galabukènemanw bilasiraliko numan dörön de ye, n'a ka feerew, a hakilinataw n'a miirinataw ye, minnu suguya caman lakodonn'a fë, waatijan kôno, n'a yere ker'a dôw ye.

Okama udaw, u bolow n'u senw bë se, ka bë fen min na, sôrokow ni hadamadenyakow la, o ye girinkajo ye. O te kun mögököröba si la. O de kôson, baara dôw ni magoranabçoyô werew la, an ka kan, k'u ka kow bëe nögoy'u bolo, f'u k'a

dôno, k'u bonya b'an yoro. O siratige la an da bë se «mögököröbadugawu» nininiko ma, k'o yoro dajira, mögôw la, minnu dalen b'o dugawuko la. Nka, bëe dalen bë fen min na, o y'an bë min wele, kobarajisôro. Ni farafinw nifarajew bëe tun dalen te barajiko la, mögo si tun te saraka bo. Mögököröbaladon ye wale numan de ye, min bë se, ka da sarakabo ma.

Dugawu, barika ani baraji lajelen sôrosira laban ye «korobalenw» lasewali de ye. A sira fôlo ye bangebagaw ni lamobagaw ye. A filanan ye karamögôw n'u nögönnaw ye.

Tijé don, mögököröbako ka gelen kosebë. Tijé don, mögököröbaw tögoladonko basigira, dijé jamanaw bëe kôno. Tijé don, Mali jamana fangaso némögôw y'u kanbo jamanadenw ma, mögököröbaw niyôrôw sigiliko n'u gasiw sigiliko la, baarakeyôrôw nijamalajeyôrôw la, walas'uka lafiya joona.

Nka, tijé yere la, mögököröbaw ladonni, u tòpotoli, u sagow keli y'u ye, fo k'u nisondiya, k'u kunnawolo, olu ye walew ye, minnu këcogo numanw ma se nögönbilasira ma. A körô ka bon don kelen dörön gintan ma, bawo, don o don walew don, mögo ladamunen yere dönnaw bolo. Olu de taalan ye ceköröbaw ni musoköröbaw lafiyali ye, k'a sôr'a ma kë kumako wëre ye. Yere döñ tilalen bë denmisennamögô minnu na, olu de bë «korobalenw» sëgen. N'olu sera, k'a bila, u kunkolo kôno, kô «bi denmisennin de ye sini mögököröba ye», u bu sëgenni dabila, u te baasiko fosi k'u la.

A kera cogo o cogo, denmisennamögô bëe bë körô, don dôla. O siratige la, n'u yerebonyara, k'u karama, o te goya, u kelen si ye. O de kôson, a bë fo, ko «dijé ye yélémaso ye»; k'an bë to fôfôli de la, nögöñ kô, fo ka t'an bantuma se.

FANGA KORO MOGO MINELEN DOWEREW BILA SANI NAFOLOKO KIIRI KA SE.

Hakililajiginko siratige la, Musa Tarawele ye san 23 de k'efanga la, i ko, k'ata san 1968 Nowanburukalo tile 19 na, k'a bila san 1991 Marisikalo tile 26 la, n'o ker'a ka fanga bindon ye. An'a ka fanga binnen mog'o minelenw benna mog'o 33 de ma. Ale yere n'olu bee lajelen ka kiiritigeko bilala sira fila de kan. A folo ye jolibonko kiiri ye. A filanan ye nafo-loko kiiri ye. O labenni de be sen na, hali bi. Nafo-loko donyoro n'a boyoro cayali kosoñ, a ko be son, ka meen.


Min ye jolibonko kiiriye, odaminera san 1992 Zuwenkalo tile 4 don. Ngonfaamubaliya kosoñ, o baaraw danna tile kelen doron ma. A bolokara kalo 5 hak'e kono, walasa k'a laben konuman. Nka, kabin'a daminer'o la, san 1992 nowanburukalo tile 12 don, a ma kotige, f'a kuncera don min na, n'o kera san 1993 fewuruyekalo tile 12 don ye. Jatemine la, a kiiritigeli baaraw benna kalo 3 hak'e de ma. O siratige la, jolibonko kiiri tigera kan minnu kan, olu file :

Mogo fagataw : o ye mog'o 4 ye, i ko Musa TARAWELE, Seku LI, Mamadu KULUBALI, ani Usumani KULUBALI. Mogo bilataw : o ye Namanto JARA, Solomani DANBELE, Hamadi Bori DIKO, Seku Minanju TARAWELE, Nuhunzo JARA, Faginba DIKO, Umaru KANUTE ani Mohamedi Talibe SUMARE ye. Olu bilala kiiri tigedon yere, ka tu ka denbayaw la, bawo, olu no ma ye jolibonko kiiri la, u sente na'loko kiiri fana la. A to mog'o 21, olu bilala jolibonko kiiri la. Nka, u ma se ka bo kasola, bawo, u sen be nafo-loko kiiri la. Sisan, mog'o 10 de bilala, o mog'o 21 na. N'ka u na bila gansan, bawo, u bee kelen-kelen y'u ka la su kunmabowari de sara folo, sanni nafo-loko kiiri tuma ka se. O kera waati minnu na, mog'o minnu fe ani cogo minnu na, olu file : SAN 1993 ZULUYEKALO MOGO BILALEN. O ye Sefa wari mog'o 4 de ye : Madamu JALO Lala Si. O ye Sefa wari

7.500.000 sara. Ngolo TARAWELE. O ye sefa wari 1.000.000 sara. Zeyini MULAYI. O ye sefa wari 1.000.000 sara. Madamu DIKO Masaran KONATE. O ye sefa wari 750.000 sara.


SAN 1993 OKUTOBURUKALO MOGO BILALEN. O ye mog'o 6 de ye : Amadu Baba JARA. O ye sefa wari 41.617.500 sara. Amara DANFAGA. O ye sefa wari 8.000.000 sara. Bayi Agi Mohamedi. O ye sefa wari 6.000.000 sara. Sidiki JARA. O ye sefa wari 1.000.000 sara. M'Buye SIBI. O ye sefa wari 750.000 sara. Monzon KEYITA. O ye sefa wari 500.000 sara.

jate laban be fen min jira, o file : Musa n'a ka fanga kor'o mog'o 33 de minera. U ka kiiri folo tigedon, mog'o 8 bilala. A to tora mog'o 25 ye. Mog'o 10 y'u yerew kunmabowari sara, olu la. O de ker'olu bilakun ye, sanni kiiri tuma ka se. Sisan, mog'o 15 de be kasol la. Mog'o fagata 4 kofolen ninnu b'olu la.




Amadu Baba JARA


Amara DANFAGA




Bayi Agi MOHAMEDI



Sidiki JARA



NBuye SIBI



Monzon KEYITA